



Na osnovu člana 61. stav 2. Zakona o upravi („Službeni glasnik BiH“, br. 32/02, 102/09 i 72/17) i člana 7. Odluke o kriterijima za raspodjelu tekućih grantova odobrenih Ministarstvu vanjske trgovine i ekonomskih odnosa Bosne i Hercegovine za podršku sajamskim i drugim manifestacijama i aktivnostima u zemlji i inostranstvu u svrhu promocije domaće proizvodnje u 2018. godini („Službeni glasnik BiH“, broj 50/18), Ministarstvo vanjske trgovine i ekonomskih odnosa Bosne i Hercegovine objavljuje

JAVNI POZIV

organizatorima sajamskih i drugih manifestacija za dodjelu grant sredstava za podršku sajamskim i drugim manifestacijama u zemlji, u 2018. godini

I-PREDMET JAVNOG POZIVA

Predmet javnog poziva je prikupljanje zahtjeva zainteresiranih subjekata za dodjelu grant sredstava za učešće na sajamskim i drugim manifestacijama u zemlji, u 2018. godini. Ukupan iznos sredstava namijenjenih za podršku sajamskim i drugim manifestacijama u zemlji iznosi 400.000,00 KM.

Finansijska sredstva su odobrena u Budžetu Ministarstva vanjske trgovine i ekonomskih odnosa Bosne i Hercegovine (u daljnjem tekstu: Ministarstvo) za 2018. godinu.

II-KORISNICI SREDSTAVA

Korisnici sredstava su pravna lica registrirana za djelatnost organizacije sajamskih i drugih manifestacija ili ako je organizator lokalna zajednica ista mora posjedovati odluku o organiziranju sajamske manifestacije.

III-PRAVO UČEŠĆA

Pravo učešća imaju svi zainteresirani organizatori sajamskih i drugih manifestacija koji imaju iskustvo u organizaciji sajamskih i drugih manifestacija međunarodnog karaktera, koji se dokazuje kroz kataloge liste učesnika ili programe manifestacije, te da se kroz sajamsku ili drugu manifestaciju promovira domaća proizvodnja.

IV-SADRŽAJ ZAHTJEVA ZA DODJELU GRANT SREDSTAVA

Uz zahtjev za dodjelu grant sredstava za učešće u sajamskim i drugim manifestacijama u zemlji, u 2018. godini, zainteresirani organizatori sajamskih i drugih manifestacija u zemlji trebaju dostaviti sljedeće dokumente:

- Popunjen i ovjeren aplikacioni obrazac, koji se nalazi u prilogu ovog Javnog poziva i može se preuzeti sa web stranice Ministarstva;
- Sudsko rješenje o registraciji za organiziranje sajмова ili odgovarajuću odluku o organiziranju sajмова ako je organizator lokalna zajednica;
- Identifikacijski broj;
- Kopiju lične karte odgovorne osobe;
- Kopiju ugovora o bankovnom računu (podaci o banci i transakcijskom računu);

- Sajamski katalog ili program manifestacije kojim dokazuju da predmetna sajamska ili druga manifestacija ima međunarodni karakter i da se njome promovira domaća proizvodnja;
- Izjavu o posjedovanju iskustva u organizaciji istih ili sličnih manifestacija.
- Izjavu organizatora sajamskih i drugih manifestacija da će nakon prijema grant sredstava za podršku sajamskim manifestacijama, srazmjerno dobijenim sredstvima, umanjiti troškove učešća domaćim sajamskim izlagačima;
- Izjavu organizatora sajamskih i drugih manifestacija da će nakon prijema grant sredstava, Ministarstvu dostaviti ovjeren Izvještaj o namjenskom utrošku dodijeljenih sredstava na osnovu prijave na Javni poziv za podnošenje zahtjeva za dodjelu novčanih sredstava tekućeg granta (Obrazac za izvještaj u prilogu).

Sve priložene kopije navedenih dokumenta moraju biti ovjerene od strane upravnih organa ili od strane notara. Ovjera ne smije biti starija od tri mjeseca, od dana podnošenja zahtjeva.

Zahtjevi koji ne sadrže dokumente tražene ovim Javnim pozivom bit će odbijeni i neće biti predmet daljnjeg razmatranja.

V-OCJENA ZAHTJEVA I ODABIR KORISNIKA GRANT SREDSTAVA

Ocjena zahtjeva i odabir korisnika grant sredstava izvršit će se u skladu sa Odlukom o kriterijima za raspodjelu tekućih grantova odobrenih Ministarstvu vanjske trgovine i ekonomskih odnosa Bosne i Hercegovine za podršku sajamskim i drugim manifestacijama i aktivnostima u zemlji i inostranstvu u svrhu promocije domaće proizvodnje u 2018. godini.

Ministarstvo će putem web stranice obavijestiti odabrane korisnike grant sredstava o izboru i iznosu dodijeljenih sredstava.

VI-NAČIN PODNOŠENJA ZAHTJEVA

Zahtjevi za dodjelu grant sredstava za podršku sajamskim i drugim manifestacijama u zemlji, u 2018. godini, sa propisanom dokumentacijom, šalju se preporučeno poštom ili dostavljaju lično u zatvorenoj koverti, na adresu:

**BOSNA I HERCEGOVINA
MINISTARSTVO VANJSKE TRGOVINE I EKONOMSKIH ODNOSA
MUSALA 9
71 000 SARAJEVO**

Sa naznakom: „NE OTVARATI“ - Komisiji za razmatranje zahtjeva za dodjelu tekućeg granta za podršku sajamskim i drugim manifestacijama u zemlji.

Na poleđini koverte obavezno navesti naziv – ime podnosioca zahtjeva, adresu i kontakt telefon i ovjeriti pečatom pravnog lica.

Javni poziv ostaje otvoren 15 dana nakon objavljivanja u dnevnim listovima i web stranici Ministarstva - www.mvteo.gov.ba.

Ministarstvo ne snosi nikakve troškove prijavljenih učesnika, te zadržava pravo da u slučaju opravdanosti, zahtjev u potpunosti odbije ili poništi Javni poziv.

Dostavljena dokumentacija se neće vraćati.